

古文辭類纂

辭賦類一

古文辭類纂六十一

淳于髡說齊威王

威王八年楚大發兵加齊齊王使淳于髡之趙請救兵齊
金百斤車馬十駟淳于髡仰天大笑冠纓索絕王曰先生
少之乎髡曰何敢王曰笑豈有說乎髡曰今者臣從東方
來見道旁有禳田者操一豚蹄酒一盂祝曰甌穰滿篝汙
邪滿車五穀蕃孰穰穰滿家臣見其所持者狹而所欲者
奢故笑之於是齊威王乃益齎黃金千鎰白璧十雙車馬
百駟髡辭而行至趙趙王與之精兵十萬革車千乘楚聞
之夜引兵而去威王大說置酒後宮召髡賜之酒問曰先
生能飲幾何而醉髡對曰臣飲一斗亦醉一石亦醉威王
曰先生飲一斗而醉惡能飲一石哉其說可得聞乎髡曰
賜酒大王之前執決在旁髡恐懼俯伏而飲不

過一斗徑醉矣若親有嚴客髡羃韞臠侍酒於前時賜
餘瀝奉觴上壽數起飲不過二斗徑醉矣若朋友交游久
不相見卒然相覩歡然道故私情相語飲可五六斗徑醉
矣若乃州閭之會男女雜坐行酒稽留六博投壺相引爲
曹握手無罰目盼不禁前有墜珥後有遺簪髡竊樂此飲
可入斗而醉二參日暮酒闌合尊促坐男女同席履舄交
錯杯盤狼籍堂上滅燭主人留髡而送客羅襦襟解微聞
薌澤當此之時髡心最歡能飲一石故曰酒極則亂樂極
則悲萬事盡然言不可極極之而衰以諷諫焉齊王曰善
乃罷長夜之飲以髡爲諸侯主客宗室置酒髡嘗在側
屈原離騷

帝高陽之苗裔兮朕皇考曰伯庸攝提貞於孟陬兮惟庚
寅吾以降皇覽揆余於初度兮肇錫余以嘉名名余曰正

則兮字余曰靈均紛吾旣有此內美兮又重之以修能扈江蘿與辟芷兮紉秋蘭以爲佩汨余若將不及兮恐年歲之不吾與朝搴阰之木蘭兮夕攬洲之宿莽日月忽其不淹兮春與秋其代序惟草木之零落兮恐美人之遲暮不撫壯而棄穢兮何不改乎此度也乘騏驥以馳騁兮來吾導夫先路昔三后之純粹兮固衆芳之所以在雜申椒與菌桂兮豈惟紉夫蕙茝彼堯舜之耿介兮旣遵道而得路何桀紂之昌披兮夫惟捷徑以窘步惟黨人之偷樂兮路幽昧以險隘豈余身之憚殃兮恐皇輿之敗績忽奔走以先後兮及前王之踵武荃不察余之中情兮反信讒而齎怒余固知謇謇之爲患兮忍而不能舍也指九天以爲正兮夫惟靈修之故也初旣與余成言兮後悔遁而有佗余旣不難夫別離兮傷靈修之數化余旣滋蘭之九畹兮又樹

蕙之百畝畦。畱夷與揭車兮雜杜蘅與芳芷冀枝葉之峻茂兮願俟時平。吾將刈雖萎絕其亦何傷兮哀衆芳之蕪穢。

以上言以道事君見疑而不改衆皆競進以貪婪兮憑不厭乎求索羌

內恕己以量人兮各興心而嫉妒忽馳騖以追逐兮非余心之所急老冉冉其將至兮恐修名之不立朝飲木蘭之墜露兮夕餐秋菊之落英苟余情其信姱以練要兮長頤領亦何傷擗木根以結茝兮貫薜荔之落纁矯菌桂以紉蕙兮索胡繩之纏纏褰吾法夫前修兮非時俗之所服雖不周於今之人兮願依彭咸之遺則長太息以掩涕兮哀人生之多艱

疑誤倒蓋涕與替爲韻余雖好修姱以鞿羈兮謇朝谇而夕替旣替余以蕙纕兮又申之以攬茝亦余心之所善兮雖九死其猶未悔怨靈修之浩蕩兮終不察夫人心衆女嫉余之蛾眉兮謠諑謂余以善淫固時俗之工巧兮偭

規矩而改錯。背繩墨以追曲兮。競周容以爲度。忳鬱悒余
侘傺兮。吾獨窮困乎此時也。甯溘死以流亡兮。余不忍爲
此態也。鶯鳥之不羣兮。自前代而固然。何方圜之能周兮。
夫孰異道而相安。屈心而抑志兮。忍尤而攘詬。伏清白以
死直兮。固前聖之所厚。

以上言證人之害而將擠於死悔相道之不察兮

及行迷之未遠步余馬

於蘭皋兮。馳椒邱且焉止息。進不入以離尤兮。退將復修
吾初服。制芰荷以爲衣兮。集芙蓉以爲裳。不吾知其亦已
兮。苟余情其信芳。高余冠之岌岌兮。長余佩之陸離。芳與
澤其雜糅兮。唯昭質其猶未虧。忽反顧以游目兮。將往觀
乎四荒。佩纕紛其繁飾兮。芳菲菲其彌章。

言吾挾此德美

居楚國芳菲彌章安能使人之不忌乎常當作恒人生各有所樂兮。余獨好修以爲常。
雖改謚。雖解吾猶未變兮。豈予心之可懲。

以上言欲退隱不涉

世患而女穫之。嬋媛兮申申其晈子。此段卽漁父篇之義
又楊子雲反離騷所云棄山神之所珍者。

涵子於此已解其難。曰鮀婦直以亡身兮終然天平羽之

野汝何博謇而好修兮紛獨有此姱節。薺菜蘘以盈室兮

判獨離而不服衆不可曰說兮執云察余之中情世並舉而好朋兮夫何熒獨而不予聽。以上設爲女穫辭所謂慎毋爲善也。依前聖

之節中兮喟憑心而歷茲濟沅湘以南征兮就重華而陳辭。啓九辯與九歌兮夏康娛以自縱。啓九辯下十六句皆禹四句皆言得道君之致福塔之失道載逸書武觀篇墨子所引是也。屈子以與澆并斥爲康娛王逸誤以夏康連讀解爲太康爲作古文者遂有大康尸位之語其失始於逸也。

不顧難以圖後兮五子用

失乎家巷羿淫游以佚田兮又好射夫封狐固亂流其鮮終兮浞又貪夫厥家澆身被服彊圉兮縱欲而不忍日康

娛而自忘兮厥首用夫顚隕夏桀之常違兮乃遂焉而逢殃后辛之菹醢兮殷宗用而不長湯禹嚴而祇敬兮周諭

道而莫差舉賢而授能兮循繩墨而不頗皇天無私阿兮
覽民德焉錯輔夫維聖哲以茂行兮苟得用此下士瞻前
而顧後兮相觀民之計極夫孰非義而可用兮孰非善而
可服附余身而危死兮覽余初其猶未悔不量鑿而正枘
兮固前修以菹醢曾歎欷余鬱悒兮哀朕時之不當擧茆
蕙以掩涕兮霑余襟之浪浪以上言以此心正於舜而跪無愧又安能不爲善也
敷衽以陳辭兮耿吾旣得此中正聖王此以乘鷩兮溢埃
風余上征此下承往觀乎四荒極言之而卒歸於不可所謂發乎情止乎理義朝發轫於蒼梧兮夕余至乎縣圃欲少留此靈璵兮日忽忽其將暮吾
令羲和弭節兮望崦嵫而勿迫路漫漫其修遠兮吾將上
下而求索飲余馬於咸池兮總余轡乎扶桑折若木以拂
日兮聊須臾以相羊前望舒使先驅兮後飛廉使奔屬鸞
皇爲余先戒兮雷師告余以未具吾令鳳皇飛騰兮又繼

之以日夜飄風屯其相離兮艸雲寃而來御紛總總其離合兮班陸離其上下吾令帝闕開關兮倚闕闔而望予時曖曖其將罷兮結幽蘭而延佇世溷濁而不分兮好蔽美而嫉妒朝吾將濟於白水兮登閭風而繼馬忽反顧以流涕兮哀高邱之無女溘吾游此春宮兮折瓊枝以繼佩及榮華之未落兮相下女之可貽吾令豐隆乘雲兮求虞妃之所在解佩纓以結言兮吾令蹇修以爲理紛總總其離合兮忽緯繡其難遷夕歸次於窮石兮朝濯髮乎消槃保厥美以驕傲兮日康娛以淫游雖信美而無禮兮來違棄而改求言方合蹇修爲理而彼乃難於遷而歸我而反適無道之羿相從於驕傲無禮何足顧邪羿自狃遷於窮石是羿固凡淮南子山海經之類多依楚辭妄爲附會皆不足據上言相下女故虞妃覽相觀於四極兮周流乎有城二姚皆下土女非謂神也覽相觀於四極兮周流乎天余乃下望瑤臺之偃蹇兮見有娀之佚女吾令鳩爲媒

兮鳩告余以不好雄鳩之鳴逝兮余猶惡其佻巧心猶豫而狐疑兮欲自適而不可鳳皇既受詒兮恐高辛之先我欲遠集而無所止兮聊浮游以逍遙及少康之未家兮留有虞之二姚理弱而媒拙兮恐導言之不固時溷濁而嫉賢兮好蔽美而稱惡閨中既以邃遠兮哲王又不寤懷朕情而不發兮余焉能忍與此終古以上言將以此中正適於茲世其於楚也則如天闊之不通是哲王不寤也其於異國則世無賢君相從歸徹或有賢而非我偶如佚女之不可求是閨中邃遠也

索瓊茅以筵簾兮命靈氛爲余占之曰兩美其必合兮孰信修而慕之思九州之博大兮豈唯是其有女曰勉遠逝而無狐疑兮孰求美而釋汝何所獨無芳草兮爾何懷乎故宇世幽昧以眩曜兮孰云察余之美惡人好惡其不同兮惟此黨人其獨異丘服艾以盈要兮謂幽蘭其不可佩覽察草木其猶未得兮豈珵美之能當蘇糞壤以充幃兮

謂申椒其不芳

以上皆靈氣之詞

欲從靈氣之吉占兮心猶豫而

狐疑巫咸將夕降兮懷椒糈而要之百神翳其備降兮九

疑縕其並迎皇剡剡其揚靈兮告余以吉故曰勉升降以

上下兮求矩矯之所同湯禹儼而求合兮摯皋繇而能調

苟中情其好修兮何必用夫行媒說操築於傅巖兮武丁

用而不疑呂望之鼓刀兮遭周文而得舉甯戚之謳歌兮

齊桓聞以該輔及年歲之未晏兮時亦猶其未央恐羈鳩

之先鳴兮使百草爲之不芳何瓊珮之偃蹇兮衆夢然而

蔽之惟此黨人之不亮兮恐嫉妒而折之時縕紛其變易

兮又何可以淹留蘭芷變而不芳兮荃蕙化而爲茅何昔

日之芳草兮今直爲此蕭艾也豈其有他故兮莫好修之

害也

靈氣弟言世之幽昧而已巫咸則言黨人之害益深

中材畏而從之矣是旣無復同志之人而居此則必

遭其折害而死

其勢益危矣余以蘭爲可恃兮羌無實而容長委厥美

以從俗兮苟得列乎衆芳椒專佞以慢誼兮櫟又欲充其佩幃旣干進而務入兮又何芳之能祇固時俗之從流兮又孰能無變化覽椒蘭其若茲兮又況揭車與江蘿惟茲佩之可貴兮委厥美而歷茲芳菲菲而難虧兮芬至今猶未沫和調度以自娛兮聊浮游而求女及余飾之方壯兮周流觀乎上下以上皆巫咸之詞靈氛旣告余以吉占兮言承靈氣則巫

咸在其廡吉日

咸以之謂皆

靈氛既告余以吉占兮言承靈氣則巫

糧爲余駕飛龍兮雜瑤象以爲車何離心之可同兮吾將遠逝以自疏上慮妃有城一節猶言求女靈氣巫咸二節知求女之必不可矣姑遠逝以自疏遨游娛樂如遠遭吾游一篇之旨而卒亦不忍則死從彭咸焉而已也道夫崑崙兮路修遠以周流揚雲霓之掩藹兮鳴玉鸞之啾啾朝發軶於天津兮夕余至乎西極鳳皇翼其承旛兮高翹翔之翼翼忽吾行此流沙兮遵赤水而容與麾蛟龍

使。梁。津。兮。詔。西。皇。使。涉。予。路。修。遠。以。多。艱。兮。騰。衆。車。使。徑。
待。路。不。周。以。左。轉。兮。指。西。海。以。爲。期。屯。余。車。其。千。乘。兮。齊。
玉。軌。而。並。馳。駕。入。龍。之。婉。婉。兮。載。雲。旗。之。委。移。抑。志。而。弭。
節。兮。神。高。馳。之。邈。邈。奏。九。歌。而。舞。韶。兮。聊。假。日。以。娛。樂。陟。
升。皇。之。赫。戲。兮。忽。臨。晚。夫。舊。鄉。僕。夫。悲。余。馬。懷。兮。蟠。局。顧。
而。不。行。亂。曰。已。矣。哉。國。無。人。莫。我。知。兮。又。何。懷。乎。故。都。旣。
莫。足。與。爲。美。政。兮。吾。將。從。彭。咸。之。所。居。

屈原九章

鼐疑此篇與離騷同時作故有重著之語

惜誦以致愍兮發憤以抒情所非忠而言之兮指蒼天以
爲正令五帝以折中兮戒六神與嚮服俾山川以備御兮
命咎繇使聽直竭忠誠而事君兮反離羣而贅胱忘儂媚
以背衆兮待明君其知之言與行其可述兮情與貌其不

變故相臣莫若君兮所以證之不遠吾誼先君而後身兮
羌衆人之所仇也專惟君而無他兮又衆兆之所讎也壹
心而不豫兮羌不可保也疾親君而無他兮有招禍之道
也思君其莫我忠兮忽忘身之賤貧事君而不貳兮迷不
知寵之門忠何辜以遇罰兮亦非余之所志也行不羣以
顛越兮又衆兆之所咍也紛逢尤以離謗兮謇不可釋也
情沈抑而不達兮又蔽而莫之白也心鬱悒余侘傺兮又
莫察余之中情固煩言不可結而詒兮願陳志而無路退
靜默而莫余知兮進號呼又莫吾聞申侘傺之煩惑兮中悶
瞀之忳忳昔余夢登天兮魂中道而無杭吾使厲神占之
兮曰有志及而無旁終危獨以離異兮曰君可思而不可
恃故衆曰其鑠金兮初若是而逢殆懲熱羹而吹鼈兮何
不變此志也欲釋階而登天兮猶有曩之態也衆駭遽以

離心兮又何以爲此伴也同極而異路兮又何以爲此援
也晉申生之孝子兮父信讒而不好行矯直而不豫兮耽
功用而不就吾聞作忠以造怨兮忽謂之過言九折臂而
成醫兮吾至今乃知其信然矰弋機而在上兮羈羅張而
在下設張辟以娛君兮願側身而無所欲僵仆以干傺兮
恐重患而離尤欲高飛而遠集兮君罔謂女何之欲橫奔
而失路兮蓋堅志而不忍背膺畔以交痛兮心鬱結而紓
軫擣木蘭以矯蕙兮纁申椒以爲糧播江離與滋菊兮願
春日以爲糗芳恐情質之不信兮故重著以自明擣茲媚
以私處兮願曾思而遠身

惜訥○○

余幼好此奇服兮年既老而不衰帶長鍊之陸離兮冠切
雲之崔嵬被明月兮佩寶璐世溷濁而莫余知兮吾方高

馳而不顧駕青虬兮驂白螭吾與重華游兮瑞之圖登崑
崙兮食玉英與天地兮比壽與日月兮齊光哀南夷之莫
吾知兮旦余濟乎江湘乘鄂渚而反顧兮歛秋冬之緒風
步余馬兮山皋低余車兮方林乘舲船余上沅兮齊吳榜
以擊汰船容與而不進兮淹回水而疑滯朝發枉渚兮夕
宿辰陽苟余心其端直兮雖僻遠其何傷入激浦余遭迴
兮迷不知吾之所如深林杳以冥冥兮乃猿狹之所居山
峻高以蔽日兮下幽晦以多雨霰雪紛其無垠兮雲霏霏
而承宇哀吾生之無樂兮幽獨處平山中吾不能變心而
從俗兮固將愁苦而終窮接輿髡首兮桑扈羸行忠不必
用兮賢不必以伍子逢殃兮比干菹醢與前世而皆然兮
吾又何怨乎今之人余將董道而不豫兮因將重昏而終
身亂曰鸞鳶鳳皇日以遠兮燕雀烏鵲巢堂壇兮露申辛

夷死林薄兮腥臊並御芳不得薄兮陰陽易位時不當兮懷信侘傺忽平吾將行兮

涉江○○

皇天之不純命兮何百姓之震愆民離散而相失兮方仲春而東遷去故鄉而就遠兮遵江夏以流亡出國門而軫懷兮甲之鼈吾以行發郢都而去間兮招荒忽其焉極楫彑揚以容與兮哀見君而不再得望長楸而太息兮涕淫淫其若霰過夏首而西浮兮顧龍門而不見心嬋媛而傷懷兮眇不知其所蹠順風波而流從兮焉洋洋而爲客凌陽侯之氾濫兮忽翱翔之焉薄心絃結而不解兮思蹇產而不釋將遲舟而下浮兮上洞庭而下江去終古之所居兮今逍遙而來東羌靈魂之欲歸兮何須臾而忘返背夏浦而西思兮哀故都之日遠登大墳以遠望兮聊以舒吾

憂心哀州土之平樂兮悲江介之遺風當陵陽之焉至兮
禦疑懷王時放屈子於江南在今江西饒信地處郢之東
蓋作哀郢時也頃襄可遷之乃在辰湘之間處郢之南作
涉江時也招魂日路貫隨江兮左長薄隨江古仰彭蠡之
水故山曰隨山漢初隨江郡猶在江南後乃移郡江北地
志云隨江出陵陽東南北入江益彭蠡東源出今饒州東
界者古陵陽界及此故屈子曰當陵陽之焉至言不意其
忽至此也其後陵陽南界乃益狹乃僅有今南陵銅陵縣
耳運舟下浮者乘流下也上洞庭下江者言其處地之上
下非屈子是時森南渡之焉如曾不知夏之爲邱兮孰兩
已南入洞庭也森南渡之焉如曾不知夏之爲邱兮孰兩
東門之可蕪心不怡之長久兮憂與愁其相接惟郢路之
遼遠兮江與夏之不可涉忽若不信兮至今九年而不復
慘鬱鬱而不通兮蹇侘傺而含蹙外承歡之汋約兮謔冉
弱而難持忠湛湛而願進兮妬彼離而鄣之彼堯舜之抗
行兮瞭杳杳其薄天衆讒人之嫉妒兮被以不慈之僞名
憎溫惄之修美兮好夫人之忼慨衆蹀蹀而日進兮美超
遠而踰邁亂曰曼余目以流觀兮冀一反之何時鳥飛返

故鄉兮狐死必首邱信非吾罪而棄逐兮何日夜而忘之
哀郢

心鬱鬱之憂思兮獨永嘆乎增傷思蹇產之不釋兮曼遭
夜之方長悲秋風之動容兮何回極之浮浮數惟蓀之多
怒兮傷余心之懶懶願遙赴而橫奔兮覽民尤以自鎮結
微情以陳詞兮矯以遺夫美人昔君與我成言兮日黃昏
以爲期羌中道而回畔兮反旣有此他志惄吾以其美好
兮覽余以其修姱與余言而不信兮蓋爲余而造怒願承
間而自察兮心震悼而不敢悲夷猶而冀進兮心怛傷之
憺憺茲歷情以陳辭兮蓀詳聲而不聞固切人之不嬪兮
衆果以我爲患初吾所陳之耿著兮豈至今其庸亡言所
敗得失無不耿著其言陳成
猶在而至今不已驗乎何獨樂斯之蹇蹇兮願蓀美之可
完望三五以爲像兮指彭咸以爲儀夫何極而不至兮故

遠聞而難虧善不由外來兮名不可以虛作孰無施而有報兮孰不實而有穢少歌曰與美人抽怨兮并日夜而無正憇吾以其美好兮放朕辭而不聽倡曰有鳥自南兮來集漢北好姱佳麗兮脾獨處此異域旣憚獨而不羣兮又無良媒在其側道卓遠而日忘兮願自申而不得望北山而流涕兮臨流水而太息望盡夏之短夜兮何晦明之若歲惟郢路之遼遠兮魂一夕而九逝此承上文言我初陳言明知施報之不爽而君乃不聽安得無禍乎懼王入秦渡漢而北故託言有鳥而悲傷其南望郢而不得反也故曰難流放曉顧楚臣累志懷王曾不知路之曲直兮南指月與列星願徑逝而不忘欲返曾不得兮魂識路之營營何靈魂之信直兮人之心不與吾心同理弱而媒不通兮尚不知余之從容此見懷王以信直而爲秦欺矣又言懷王昔者所任用蓋皆小人爲利者耳一旦主遭憂辱則棄而忘之冀如瑕生之於晉惠子展子鮮之推挽衛獻者安可得哉屈子所以痛心於理弱也與離騷之

理弱托意異矣亂曰長瀨湍流泝江潭兮狂顧南行聊以娛心兮

軫石歲鬼塞吾願兮超回志度行隱進兮低徊夷猶宿北

姑兮煩冤簪容實沛徂兮愁嘆苦神靈遙思兮路處遠幽

又無行媒兮道思作頌聊以自救兮

王尚可及也故曰冀幸君之一悟此篇悲傷懷王之拘困於秦其辭致爲悽切旣自抒忠愛亦所以彌彌襄報仇之志而是時君臣方耽逸樂惡聞國

恥此令尹子蘭所以聞之大怒也憂心不遂斯言誰告兮

抽思

滔滔孟夏兮草木莽莽傷懷永哀兮汨徂南土睂睂
孔靜幽默結紓軫兮離慾而長鞠撫情效志兮冤屈而
自抑刑方以爲圜兮常度未替易初本迪兮君子所鄙章
畫志墨兮前圖未改內厚質直兮大人所臧巧倕不斷兮
孰察其揆正元文處幽兮牒瞍謂之不章離婁微睇兮瞽
以爲無明變白以爲黑兮倒上以爲下鳳皇在笯兮雞鶩

翔舞同糅玉石兮一槧而相量夫惟黨人之鄙固兮羌不知余之所臧任重載盛兮陷滯而不濟懷瑾握瑜兮窮不知所示邑犬羣吠兮吠所怪也非俊疑傑兮固庸態也文質疏內兮衆不知余之異采材樸委積兮莫知余之所有重仁集義兮謹厚以爲豐重華不可還兮孰知余之從容古固有不並兮豈知其何故也湯禹久遠兮邈而不可慕也懲違改忿兮抑心而自彊離慾而不遷兮願志之有像進路北次兮日昧昧其將暮舒憂娛哀兮限之以大故亂日浩浩沅湘分流汨兮修路幽蔽道遠忽兮懷質抱情獨無匹兮伯樂旣沒驥焉程兮民生稟命各有所錯兮定心廣志余何畏懼兮曾傷爰哀永嘆喟兮世溷濁莫吾知人心不可謂兮知死不可讓願勿愛兮明告君子吾將以爲類兮

思美人兮。擊涕而竚。盼媒絕路阻。兮言不可結。而訖。蹇蹇之煩冤兮。陷滯而不發。申旦以舒中情兮。志沈菀而莫達。願寄言於浮雲兮。遇豐隆而不將。因歸鳥而致辭兮。羌迅高而難當。高辛之靈晟兮。遭元鳥而致詒。欲變節以從俗兮。愧易初而屈志。獨歷年而離愍兮。羌馮心猶未化。甯隱閔而壽考兮。何變易之可爲。知前轍之不遂兮。未改此度。車旣覆而馬顛兮。蹇獨懷此異路。勒駢驥而更駕兮。遺父爲我操之遷。逡次而勿驅兮。聊假日以須時。指嶓冢之西隈兮。與纏蕡以爲期。開春發歲兮。白日出之悠悠。吾將蕩志而愉樂兮。遵江夏以娛憂。肇大薄之芳茝兮。蹇長洲之宿莽。惜吾不及古之人兮。吾誰與玩此芳草。解萹薄與雜萊兮。備以爲交佩。佩繽紛以繚轉兮。遂委絕而離異吾日。

儻佞性以娛憂兮觀南人之變態竊快在其中心兮揚厥馮而不埃芳與澤其雜糅兮羌芳華自中出紛郁郁其遠悉兮滿內而外揚情與質信可保兮羌居蔽而聞章令薜荔以爲理兮憚舉趾而緣木因芙蓉以爲媒兮憚褰裳而濡足登高吾不說兮入下吾不能固朕形之不服兮然容與而狐疑廣遂前畫兮未改此度也命則處幽吾將罷兮願及白日之未暮也獨煢煢而南行兮思彭咸之故也

思美人

惜往日之曾信兮受命詔以昭詩奉先功以照下兮明法度之嫌疑國富彊而法立兮屬貞臣而日娛祕密事之載心兮雖過失猶弗治心純厖而不泄兮遭讒人而嫉之君含怒以待臣兮不清激其然否蔽晦君之聰明兮虛惑誤又以欺弗參驗以考實兮遠遷臣而弗思信讒訛之溷濁

兮誠氣志而過之何貞臣之無舉兮被謗謗而見尤慙光
景而誠信兮身幽隱而備之臨沅湘之元淵兮遂自忍而
沈流卒沒身而絕名兮惜離君之不昭君無度而弗察兮
使芳草爲藪幽焉舒情而拙信兮恬死亡而不聊獨鄣離
而蔽隱兮使貞臣而無由聞百里之爲虜兮伊尹烹於庖
廁呂望屠於朝歌兮甯戚歎而飯牛不逢湯武與桓繆兮
世孰云而知之吳信讒而弗味兮子胥死而後憂介子忠
而立枯兮文君寤而追求封介山而爲之禁兮報大德之
優游思久故之親身兮因縞素而哭之或忠信而死節兮
或訛謾而不疑弗省察而按實兮聽讒人之虛辭芳與澤
其雜糅兮孰申旦而別之何芳草之早夭兮微霜降而下
戒諒聰不明而蔽離兮使讒誤而日得自前世之嫉賢兮
謂蕙若其不可佩如佳冶之芬芳兮蔓母姪而自好雖有

西施之美容兮謔如入以自代願陳情以自行兮得罪過
之不意情冤見之日明兮如列宿之錯置乘驥驥而馳騁
兮無轡銜而自載乘汜汎以下流兮無舟檝而自備背法
度而心治兮辟與此其無異甯溘死而流亡兮恐禍殃之
有再不畢辭以赴淵兮惜離君之不識

惜往日

后皇嘉樹橘綵服兮受命不遷生南國兮深固難徙更壹
志兮綠葉素榮紛其可喜兮曾枝刺棘圓果搏兮青黃雜
糅文章爛兮精色內白類任道兮紛縕宜修姱而不醜兮
嗟爾幼志有以異兮獨立不遷豈不可喜兮深固難徙廓
其無求兮蘇世獨立橫而不流兮閉心自慎終不過失兮
秉德無私參天地兮願歲并謝與長友兮淑離不淫梗其
有理兮年歲雖少可師長兮行比伯夷置以爲像兮

橘頌

后皇嘉樹此篇尚在懷王朝初被讒時所作故首言
閉心自慎之語又若以辨釋上官所

云每一令出平俊其功之爲誣也

悲回風之搖蕙兮心冤結而內傷物有微而隕性兮聲有
隱而先倡夫何彭咸之造思兮暨志介而不忘萬變其情
豈可益兮就虛僞之可長鳥獸鳴以號羣兮草苴比而不
芳魚葺鱗以自別兮蛟龍隱其文章故荼蕡不同畝兮蘭
茝幽而獨芳惟佳人之永都兮更統世而自貺眇遠志之所
及兮憐浮雲之相羊介眇志之所惑兮竊賦詩之所明
惟佳人之獨懷兮折芳椒以自處曾歎欷之嗟嗟兮獨隱
伏而思慮涕泣交而淒淒兮思不眠以至曙終長夜之漫
曼兮掩此哀而不去寤從容以周流兮聊逍遙以自恃傷
太息之愍憐兮氣於邑而不可止糺心思以爲纏兮編愁
苦以爲膺折若木以蔽光兮隨飄風之所仍存髡鬚而不

見兮心踊躍其若湯撫珮衽以案志兮超惆悵而遂行歲
留召其若頽兮時亦冉冉而將至蘋衡槁而節離兮芳已
歇而不比憐思心之不可懲兮證此言之不可聊甯溘死
而流亡兮不忍此心之常愁孤子吟而枝淚兮放子出而
不還孰能思而不隱兮昭彭咸之所聞登石巒以遠望兮
路眇眇之默默入景響之無應兮聞省想而不可得愁鬱
鬱之無使兮居戚戚而不可解心轔轔而不開兮氣繚轉
而自締穆眇眇之無垠兮莽茫茫之無儀聲有隱而相感
兮物有純而不可爲邈漫漫之不可量兮縹綿綿之不可
紓愁悄悄之常悲兮翩冥冥之不可娛凌大波而流風兮
托彭咸之所居上高巖之峭岸兮處雌蜺之標顚據青冥
而據虹兮遂儻忽而捫天吸湛露之浮涼兮漱凝霜之雰
雰依風穴以自息兮忽傾寤以嬋媛馮崑崙以激霧兮隱

岐山以清江憚浦湍之謹謹兮聽波聲之洶洶紛容容之無經兮罔茫茫之無紀軌洋洋之無從兮馳委蛇之焉止漂翻翻其上下兮翼遙遙其左右氾濫漓其前後兮伴張弛之信期觀炎氣之相仍兮窺煙波之所積悲霜雪之俱下兮聽潮水之相擊借光景以往來兮施黃棘之枉策求介子之所存兮見伯夷之放迹心調度而弗去兮刻著志之無適曰吾怨往昔之所冀兮悼來者之愁愁浮江淮而入海兮從子胥而自適望大河之洲渚兮悲申屠之抗迹繫諫君而不聽兮任重名之何益心絃絃而不解兮思蹇產而不釋

悲回風。

辭賦類二

古文辭類纂六十二

屈原遠游

悲時俗之迫阨兮願輕舉而遠游質菲薄而無因兮焉託乘而上浮遭沈濁而汙穢兮獨鬱結其誰語夜耿耿而不寐兮魂營營而至曙惟天地之無窮兮哀人生之長勤往者余弗及兮來者吾不聞步徒倚而遙思兮怊惝恍而乖懷意荒忽而流蕩兮心愁悽而增悲神翛忽而不反兮形枯槁而獨留內惟省以端操兮求正氣之所由漠虛靜以恬愉兮澹無爲而自得聞赤松之清塵兮願承風乎遺則昔真人之休德兮美往世之登仙與化去而不見兮名聲著而日延奇傳說之託辰星兮羨韓衆之得一形穆穆以浸遠兮離人羣而遁逸因氣變而遂曾舉兮忽神奔而鬼怪時髣髴以遙見兮精皎皎以往來超氛埃而淑郵兮終

不反其故都免衆患而不懼兮世莫知其所如恐天時之
代序兮耀靈晦而西征微霜降而下淪兮悼芳草之先蕭
聊彷佯而逍遙兮永歷年而無成誰可與玩斯遺芳兮長
鄉風而舒情高陽邈以遠兮余將焉所程重日春秋忽其
不淹兮奚久留此故居軒轅不可攀援兮吾將從王喬而
嬉戲浪六氣而飲沆瀣兮漱正陽而含朝霞保神明之清
澄兮精氣入而麤穢除順凱風以從游兮至南巢而壹息
見王子而宿之兮審壹氣之和德曰道可受兮而不可傳
其小無內兮其大無垠母滑而魂兮彼將自然壹氣孔神
兮於中夜存虛以待之兮無爲之先庶類以成兮此德之
門聞至貴而遂徂兮忽乎吾將行仍羽人於丹邱兮留不
死之舊鄉朝濯髮於湯谷兮夕晞余身兮九陽吸飛泉之
微液兮懷琬琰之華英玉色頡以晚顏兮精純粹而始壯

質銷鑠以汋約兮神要眇以淫放嘉南州之炎德兮麗桂
樹之冬榮山蕭條而無獸兮野寂漠而無人載營魄而登
霞兮掩浮雲而上征命天闕其開闢兮排闔闔而望予召
豐隆使先導兮問大微之所居集重陽入帝宮兮造旬始
而觀清都朝發軶於大儀兮夕始臨乎於微闇屯余車之
萬乘兮紛容與而並馳駕八龍之婉婉兮載雲旗之逶迤
建雄虹之采旄兮五色雜而炫耀服偃蹇以低昂兮驂連
蜷以驕鷩騎膠葛以雜亂兮班漫衍而方行挽余轡而正
策兮吾將過乎平句芒歷太皓以右轉兮前飛廉以啓路陽
杲杲其未光兮凌天地以徑度風伯爲余先驅兮氣埃辟
而清涼鳳皇翼其承旛兮遇蓐收乎西皇摩彗星以爲旛
兮舉斗柄以爲麾叛陸離其上下兮游驚霧之流波時曠
曠其曠莽兮召元武而奔屬後文昌使掌行兮邇署衆神

以並轂路。曷憂其修遠兮。徐弭節而高厲。左兩師使徑侍。兮右雷公。以爲衛。欲度世以忘歸兮。意容睢以坦橋。內欣。欣而自美兮。聊媯娛以淫樂。涉青雲以汎濫游兮。忽臨睨。夫舊鄉僕夫懷余心悲兮。邊馬顧而不行。思舊故以想像。兮長太息而掩涕。汎容與而遐舉兮。聊抑志而自弭。指炎。神而直馳兮。吾將往乎南疑。覽方外之荒忽兮。沛潤瀼而。自浮。祝融戒而蹕御兮。騰告鸞鳥迎慮妃張咸池奏承雲。兮二女御九韶歌使湘靈鼓瑟兮。令海若舞憑夷元螭蟲。象並出進兮。形蟠虬而透蛇雌。蜺傾娟以增撓兮。鸞鳥軒。翥而翔飛。音樂博衍無終極兮焉。乃逝以徘徊舒并節以。馳騖兮。遑絕垠乎寒門軼迅風於清源兮。從顙頷乎增冰。歷元冥以邪徑兮。乘間維以反顧召黔羸而見之兮。爲余。先乎平路經營四方兮。周流六漠上至列缺兮降望大壑。

下。崕嶸。而。無。地。兮。上。寥廓。而。無。天。視。儻。忽。而。無。見。兮。聽。惄。悅。而。無。聞。超。無。爲。以。至。清。兮。與。泰。初。而。爲。鄰。

屈原卜居

屈原旣放三年不得復見竭智盡忠蔽鄣於讒心煩意亂不知所從乃往見太卜鄭詹尹曰余有所疑願因先生決之詹尹乃端策拂龜曰君將何以教之屈原曰吾甯悃悃款款朴以忠平將送往勢來斯無窮乎甯誅鋤草茅以力耕乎將游大人以成名乎甯正言不諱以危身乎將從俗富貴以媿生乎甯超然高舉以保真乎將昵譽慄斯嗟乎嘯噭以事婦人乎甯廉潔正直以自清乎將突梯滑稽如脂如韋以絜楹乎甯昂昂若千里之駒乎將氾氾若水中之鳧乎與波上下偷以全吾軀乎甯與驥驥抗輶乎將隨鷺馬之迹乎甯與黃鵠比翼乎將與雞鷺爭食乎此孰吉

孰凶何去何從世溷濁而不清蟬翼爲重千鈞爲輕黃鐘毀棄瓦釜雷鳴謗人高張賢士無名于嗟默默兮誰知吾之廉貞信尹乃釋策而謝曰夫尺有所短寸有所長物有所不足智有所不明數有所不逮神有所不通用君之心行君之意龜策誠不能知此事

屈原漁父

屈原旣放游於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰世人皆濁我獨清衆人皆醉我獨醒是以見放漁父曰聖人不凝滯於萬物而能與世推移舉世皆濁何不淵其泥而揚其波衆人皆醉何不餔其糟而歠其醨何故深思高舉自令放爲屈原曰吾聞之新沐者必彈冠新浴者必振衣安能以身之察察受物之汶汶者乎甯赴湘流葬於江魚之

腹中安能以皓皓之白蒙世俗之塵埃乎漁父莞爾而笑
鼓枻而去乃歌曰滄浪之水清兮可以濯我纓滄浪之水
濁兮可以濯我足遂去不復與言

令
河
肅
氏
粥
粹
園
齋

宋玉九辯

悲哉秋之爲氣也。蕭瑟兮草木搖落而變衰。憭慄兮若在遠行。登山臨水兮送將歸。沈寥兮天高而氣清。寂寥兮收潦而水清。憮悽增歛兮薄寒之中人愴。况橫恨兮去故而就新。坎壈兮貧士失職而志不平。廓落兮羈旅而無友。生惆悵兮而私自憐。翫翩翩其辭歸兮。蟬寂寞而無聲。雁嗁嗁而南游兮。鶗鴂啁哳而悲鳴。獨申旦而不寐兮。哀蟋蟀之宵征時。亹亹而過中兮。蹇淹留而無成。

悲憂窮蹙兮獨處廊。有美一人兮心不繹。去鄉離家兮來遠客。超逍遙兮今焉薄。尊思君兮不可化。君不知兮可柰何。蓄怨兮積思心。煩憺兮忘食事。願一見兮道余意。君之心兮與余異。車駕兮揭而歸。不得見兮心悲。倚結轔兮大

息涕潺湲兮霑軾慷慨絕兮不得中簪亂兮迷惑私自憐
兮何極心怦怦兮諒直
皇天平分四時兮竊獨悲此凜秋白露旣下降百草兮奄
離披此梧楸去白日之昭昭兮襲長夜之悠悠離芳藴之
方壯兮余委約而悲愁秋旣先戒以白露兮冬又申之以
嚴霜收恢台之孟夏兮然坎𡇁而沈藏葉落邑而無色兮
枝彫挾而交橫顏淫溢而將罷兮柯鬚鬚而委黃蘭櫂樅
之可哀兮形銷鑠而瘞傷惟其紛糅而將落兮恨其失時
而無當覽徘徊而下節兮聊逍遙以相羊歲忽忽而迺盡
兮恐余壽之弗將悼余生之不時兮逢此世之征攘澹容
與而獨倚兮蟋蟀鳴此西堂心忧惕而震盪兮何所憂之
多方仰明月而太息兮步列星而極明
竊悲夫蕙華之曾敷兮紛旖旎乎都房何曾華之無實兮

從風雨而飛颺以爲君獨服此蕙兮嗟無以異於衆芳閑
奇思之不通兮將去君而翱翔心閔憐之慘悽兮願一見
而有明重無怨而生離兮中結軫而增傷豈不鬱陶而思
君兮君之門以九重猛犬狺狺而迎吠兮關梁閉而不通
皇天淫溢而秋霖兮后土何時而得乾塊獨守此無澤兮
仰浮雲而永歎

何時俗之工巧兮背繩墨而改錯邦騏驥而不乘兮策駒
駘而取路當世豈無騏驥兮誠莫之能善御見執轡者非
其人兮故駒跳而遠去鳬雁皆唼夫梁藻兮鳳愈飄翔而
高舉闔鑿而方枘兮吾固知其鉏鋸而難入衆鳥皆有所
登棲兮鳳獨遑遑而無所集願銜枚而無言兮嘗被君之
渥洽太公九十乃顯榮兮誠未遇其匹合謂騏驥兮安歸
謂鳳皇兮安棲變古易俗兮世衰今之相者兮舉肥騏驥

伏匿而不見兮鳳皇高飛而不下鳥獸猶知懷德兮何云
賢士之不處驥不驟進而求服兮鳳亦不貪餒而忘食君
棄遠而不察兮雖願忠其焉得欲寂寞而絕端兮竊不敢
忘初之厚德獨悲愁其傷人兮馮鬱鬱其何極

霜露慘悽而交下兮心尚忝其弗濟霰雪雰糅其增加兮
乃知遭命之將至願徼幸而有待兮泊莽莽與墾草同死
願自直而徑往兮路壅絕而不通欲循道而平驅兮又未
知其所從然中路而迷惑兮自厭按而學誦性愚陋以褊
淺兮信未達乎從容竊美巾包胥之氣晟兮恐時世之不
固何時俗之工巧兮滅規榘而改鑿獨耿介而不隨兮願
慕先聖之遺教處濁世而顯榮兮非余心之所樂與其無
義而有名兮甯窮處而守高食不渝而爲飽兮衣不苟而
爲溫竊慕詩人之遺風兮願託志乎素餐蹇充偏而無端

兮泊莽莽而無垠無衣裘以御冬兮汎溢死不得見乎陽春

靚杪秋之遙夜兮心繚悵而有哀春秋迢迢而日高兮然惆悵而自悲四時遞來而卒歲兮陰陽不可與儻偕白日晚晚其將入兮明月銷鑠而滅毀歲忽忽而邁盡兮老冉冉而愈弛心搖悅而日奏兮然怊悵而無冀中憎惄之悽愴兮長太息而增欷年洋洋以日往兮老嶧廓而無處事亹亹而覬進兮塞淹留而躊躇

何汎濫之浮雲兮姦離蔽此明月忠昭昭而願見兮然雲晉晉而莫達願皓日之顯行兮雲蒙蒙而蔽之竊不自料而願忠兮或默點而汗之堯舜之杭行兮瞭冥冥而薄天何險巇之嫉妬兮被以不慈之僞名彼日月之照明兮尚黯黯而有瑕何況一國之事兮亦多端而膠加被荷禡之晏

晏兮然潢洋而不可帶既驕美而伐武兮負左右之耿介
惜溫倫之修美兮好夫人之慷慨衆嗟蹀而日進兮美超
遠而逾邁農夫輶耕而容與兮恐田野之蕪穢事絲絲而
多思兮竊悼後之危敗世雷同而炫曜兮何毀譽之昧昧
今修飾而窺鏡兮後尚可以竄藏願寄言夫流星兮羌儻
忽而難當卒離蔽此浮雲兮下暗漠而無光

堯舜皆有所舉任兮故高枕而自適諒無怨於天下兮心
焉取此怵惕桀驥驥之濶濶兮馭安用夫彊策諒城郭之
不足恃兮雖重介之何益遭翼翼而無終兮忳惛惛而愁
約生天地之若過兮功不成而無效願沈滯而不見兮尚
欲布名乎天下然潢洋而不遇兮直恂惄而自苦莽洋洋
而無極兮忽翹翔之焉薄國有驥而不知桀兮焉皇皇而
更索甯戚謳於車下兮桓公聞而知之無伯樂之善相兮

今誰使平舉之罔流涕以聊慮兮惟著意而得之紛沌沌
而願忠兮妬被離而鄣之願賜不肖之軀而別離兮放游
志乎雲中乘精氣之搏搏兮驚諸神之湛湛驂白霓之習
習兮歷羣靈之豐豐左朱雀之芨芨兮右蒼龍之蹠蹠屬
雷師之間闢兮通飛廉之衙衙前輕轔之鏘鏘兮後轔轔
之從從載雲旗之委蛇兮扈屯騎之容容計專專之不可
化兮願遂推而爲臧賴皇天之厚德兮還及君之無恙

宋玉招魂

朕幼清以廉潔兮身服義而未沫主此盛德兮牽於俗而
蕪穢上無所考此盛德兮長離殃而愁苦帝告巫陽曰有
人在下我欲輔之魂魄離散汝筮予之巫陽對曰掌夢上
帝其命難從若必筮予之恐後謝之不能復用巫陽焉乃
下招曰魂兮歸來去君之恒幹何爲乎四方些舍君之樂

處而離彼不祥些魂兮歸來東方不可以托些長人千仞
惟魂是索些十日代出流金鑠石些彼皆習之魂往必釋
些歸來歸來不可以託些魂兮歸來南方不可以止些離
題黑齒得人肉以祀以其骨爲醢些蝮蛇蓁蓁封狐千里
些雄虺九首往來儻忽吞人以益其心些歸來歸來不可
久淫些魂兮歸來西方之害流沙千里些旋入雷泉靡散
而不可止些幸而得脫其外曠宇些赤蟻若象元蠭若壺
些五穀不生叢菅是食些其土爛人求水無所得些彷徉
無所倚廣大無所極些歸來歸來恐自遺賊些魂兮歸來
北方不可以止些增冰峨峨飛雪千里些歸來歸來不可
以久些魂兮歸來君無上天些虎豹九關啄害下人些一
夫九首拔木九干些豺狼從日往來侁侁些懸人以嬉投
之深淵些致命於帝然後得暝些歸來歸來往恐危身些

魂兮歸來君無下此幽都些土伯九約其角鬢鬚些敦軼
血毋逐人駝駝些參目虎首其身若牛些此皆甘人歸來
歸來恐自遺災些魂兮歸來入修門些工祝招君背行先
些秦箏齊縷鄭絳絡些招具該備永嘯呼些魂兮歸來反
故居些天地四方多賊姦些像設君室靜閒安些高堂邃
宇鑑層軒些層臺累榭臨高山些綿戶朱綴刻方連些冬
有突夏夏室寒些川谷徑復流潺湲些光風轉蕙汎崇蘭
些經堂入奧朱塵筵些砥室翠翹紺曲瓊些翡翠珠被爛
齊光些蕡阿拂壁羅幬張些纂組綺縞結奇璜些室中之
觀多珍怪些蘭膏明燭華容備些二八侍宿射遞代些九
侯淑女多迅衆些盛鬅不同制實滿宮些容態好比順彌
代些弱顏固植謇其有意些姱容修態組洞房些蛾眉曼
睂目騰光些靡顏賦理遺視瞻些離榭修幕侍君之間些

翡翠帷。翠幬飾高堂。些紅壁沙版。元玉之梁。些仰觀刻桷畫龍。蛇些坐堂。伏檻臨曲池。些芙蓉始發。雜芰荷。些紫莖屏風。文綠波些。文異豹飾。侍陂陀些。軒轅旣低步。騎羅些蘭薄。戶樹瓊木籬些。魂兮歸來。何遠爲些。室家遂宗食多方。些稻粱稱麥。擎黃梁些。大苦鹹酸辛甘行些。肥牛之腱膾若芳些。和酸若苦陳。吳羹些。濡鰲泡羔有柘漿些。鵠酸鴨鳧煎鴻鵠些。露雞雁蠶厲而不爽些。粃粃蜜餌有悵餳些。瑤漿蜜勻實羽觴些。挫糟凍飲酌清涼些。華酌旣陳。有瓊漿些。歸來反故室。敬而無妨些。肴羞未通女樂羅些。陳鐘按鼓造新歌些。涉江採菱發揚荷些。美人旣醉朱顏酡些。嫉光眇視目曾波些。被文服纖麗而不奇些。長髮曼鬢豔陸離些。二八齊容起鄭舞些。衽若交竿撫案下些。竿瑟狂會。填鳴鼓些。宮庭震驚發激楚些。吳歎蔡謳秦大呂些。土

女雜坐亂而不分些放陳紐纓班其相紛些鄭衛妖玩來
雜陳兮激楚之結獨秀先些箇箇象某有六擣些分曹並
進邇相迫些成梟而牟呼五白些晉制犀比費白日些鐸
鐘搖虎撲梓瑟些娛酒不廢沈日夜些蘭膏明燭華燈錯
些結撰至思蘭芳假些人有所極同心賦些酌飲既盡歡
樂先故些魂兮歸來反故居些亂日獻歲發春兮汨吾南
征菉蘋濟葉兮白芷生路貫廬江兮左長薄倚沼畦瀛兮
遙望博青驪結駒兮齊千乘懸火延起兮元顏蒸步及驟
處兮誘聘先抑驚若通兮引車右還與王趨夢兮課後先
君王親發兮憚青兕朱明承夜兮時不可淹皋蘭被徑兮
斯路漸湛湛江水兮上有楓目極千里兮傷春心魂兮歸
來哀江南

楚襄王游於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此獨大王之風耳庶人安得而共之王曰夫風者天地之氣薄暢而至不擇貴賤高下而加焉今子獨以爲寡人之風豈有說乎宋玉對曰臣聞於師叔句來巢空穴來風其所托者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於土囊之口緣太山之阿舞於松柏之下飄忽淜滂激揚熛怒恆雷聲迴穴錯迕巖石伐木梢殺林莽至其將衰也被麗披離衝孔動櫛响湧粲爛離散轉移故其清涼雄風則飄舉升降乘凌高城入於深宮邸華葉而振氣徘徊於桂椒之間翹翔於激水之上將擊芙蓉之精獵蕙草離秦衡槩新夷被荑楊迴穴衝陵蕭條衆芳然後徜佯中庭北上玉堂躋

於羅幃。經於洞房。迺得爲大王之風也。故其風中人狀直。
憎悽憀。慄清涼。增歎清清泠泠。愈病析醒。發明耳目。甯體。
便人。此所謂大王之雄風也。王曰善哉。論事夫庶人之風。
豈可聞乎。宋玉對曰。夫庶人之風。渝然起於窮巷之間。垢
堦揚塵。勃鬱頑衝。孔襲門。動沙堦。吹死灰。駭溷濁揚腐
餘邪。薄人甕牖。至於室廬。故其風中人狀直。懶溷鬱邑。殿
溫致溼。中心慘怛。生病造熱。中脣爲胗。得目爲瞓。啞嗽。
獲生死。不卒此所謂庶人之雌風也。

宋玉高唐賦

昔者楚襄王與宋玉游於雲夢之臺。望高唐之觀。其上獨
有雲氣。崕兮直上。忽兮改容。須臾之間。變化無窮。王問玉
曰。此何氣也。玉對曰。所謂朝雲者也。王曰。何謂朝雲。玉曰。
昔者先王嘗游高唐。怠而晝寢。夢見一婦人曰。妾巫山之

女也爲高唐之客聞君游高唐願薦枕席王因幸之去而
辭曰妾在巫山之陽高邱之岨旦爲朝雲暮爲行雨朝朝
暮暮陽臺之下旦朝視之如言故爲立廟號曰朝雲王日
朝雲始出狀若何也玉對曰其始出也曠兮若松樹其少
進也晰兮若姣姬揚袂鄣日而望所思忽兮改容偈兮若
駕騶馬建羽旗湫兮如風淒兮如雨風止雨霽雲無處所
王曰寡人方今可以游乎玉曰可王曰其何如矣玉曰高
矣顯矣臨望遠矣廣矣普矣萬物祖矣上屬於天下見於
淵珍怪奇偉不可稱論王曰試爲寡人賦之玉曰唯惟惟
高唐之大體今殊無物類之可儀比巫山赫其無疇兮道
互折而曾累登巖巖而下望兮臨天阤之穠水遇天雨之
新霽兮觀百谷之俱集澗澗淘其無聲兮澧澑淡而並入
滂洋洋而四施兮蒼湛湛而弗止長風至而波起兮若麗

山之孤歟勢薄岸而相擊厃隘交引而却會崿中怒而特
高兮若浮海而望碣石礧碣而相摩兮嶠震天之磕磕
巨石溺溺之灔澦兮沫潼涒而高厲水澹澹而盤紆兮洪
波淫淫之濶裔奔揚踊而相擊兮雲興聲之霈霈猛獸驚
而跳駭兮妄奔走而馳邁虎豹豺兕失氣恐喙鵬鷀鷗
飛揚伏竄股戰脅息安敢忘顰於是水蟲盡聚乘渚之陽
祖祖鯉鮪交積縱橫振鱗奮翼蛟螭蜿蜒中阪遙望元木
冬榮煌煌熒熒奪人目精爛兮若列星曾不可殫形榛林
鬱盛葩華覆蓋雙椅垂房糾枝還會徒靡澹淡隨波闊藹
東西施翼猗猗豐沛綠葉紫裏朱莖白蒂纖條悲鳴聲似
竽籟清濁相和五變四會感心動耳迴腸傷氣孤子寡婦
寒心酸鼻長吏墮官賢士失志愁思無已歎息垂淚登高
遠望使人心瘁盤岸巒屹振陳礧礧盤石險峻傾崎崖隕

嚴嶠參差縱橫相追瞰互橫輶背穴偃蹠交加累積重疊
增益狀似砥柱在巫山之下仰視山巔肅何芊芊炫耀虹蜺
俯視崎嶇寥寥寥冥不見其底虛聞松聲傾岸洋洋立
而熊經久而不去足盡汙出悠悠忽忽怊悵自失使人心
動無故自恐責育之斷不能爲勇卒愕異物不知所出紜
紜莘莘若生於鬼若出於神狀似走獸或象飛禽譎奇
偉不可究陳上至觀側地益底平箕踵漫衍芳草羅生秋
蘭茝蕙江蘿載菁青荃射千揭車苞并薄草靡靡聯延天
天越香掩掩衆雀噭噭雌雄相失哀鳴相號王雎鶡黃正
冥楚鳩姊歸思婦垂雞高巢其鳴喈喈當年遨游更唱迭
和赴曲隨流有方之士羨門高谿上成鬱林公樂聚穀進
純犧禱璇室醮諸神禮太一傳祝已具言辭已畢王乃乘
玉輿駕蒼螭垂旒旌旆合諸紳大絃而雅聲流冽風過而

增悲哀於是調謳令人愀悽潛懷暫息增歎於是乃縱獵
者基址如星傳言羽獵銜枚無聲弓弩不發罘罕不傾涉
漭漭馳萃萃飛鳥未及起走獸未及發弭節奄忽蹄足灑
血舉功先得獲車已實王將欲往見之必先齋戒差時擇
日簡輿元服建雲旆婉爲旌翠爲蓋風起雨止千里而逝
蓋發蒙往自會思萬方憂國害君開賢聖輔不逮九竅通鬱
精神察滯延年益壽千萬歲

宋玉神女賦。

楚襄王與宋玉游於雲夢之浦使玉賦高唐之事其夜王
寢夢與神女遇其狀甚麗王異之明日以白玉玉曰其夢
若何王對曰晡夕之後精神恍忽若有所喜紛紛擾擾不
知何意目色睭睭乍若有記見一婦人狀甚奇異寤而夢
之寤不自識罔兮不樂悵爾失志於是撫心定氣復見所

夢曰狀何如也王曰茂矣美矣諸好備矣盛矣麗矣難測究矣上古旣無世所未見瓊姿偉態不可勝讚其始來也耀乎若白日初出照屋梁其少進也皎若明月舒其光須臾之間美貌橫生焜兮如花溫乎如瑩五色並馳不可殫形詳而視之奪人目精其盛飾也則羅紩綺續盛文章極服妙采照萬方振繡衣被袴裳禮不短纖不長步裔裔兮曜殿堂忽兮改容婉若游龍乘雲翔媚被服悅薄裝沐蘭澤含芳性和適宜侍旁順序卑調心腸王曰若此盛矣試爲寡人賦之玉曰唯唯夫何神女之姣麗兮合陰陽之渥飾被華藻之可好兮若翡翠之奮翼其象無雙其美無極毛嫱鄣袂不足程式西施掩面比之無色近之旣妖遠之有望骨法多奇應君之相視之盈目孰者克尙私心獨悅樂之無量交希恩疏不可盡暢他人莫覩王覽其狀

其狀穀穀何可極言貌豐盈以莊姝兮苞溫潤之玉顏眸子炯其精朗兮瞭多美而可觀眉聯娟以蛾揚兮朱脣的其若丹素質幹之醞實兮志解泰而體閒旣姽婳於幽靜兮又婆娑乎人間宜高嚴以廣意兮翼放縕而綽寬動霧縠以徐步兮拂墀聲之珊珊望余帷而延視兮若流波之將瀾奮長袖以正衽兮立躊躇而不安澹清靜其愔嫕兮性沈詳而不煩時容與以微動兮志未可乎得原意似近而旣遠兮若將來而復旋褰余幬而請御兮願盡心之倦惓懷貞亮之潔清兮卒與我乎相難陳嘉辭而云對兮吐芬芳其若蘭精交結以來往兮心覬康以樂歡神獨亨而未結兮魂熒熒以無端含然諾其不分兮喟揚音而哀嘆顰薄怒以自持兮曾不可乎犯于於是搖珮飾鳴玉鸞整衣服斂容顏顧女師命大傅歡情未接將辭而去遷延引

身不可親附似逝未行中若相首目略微睭精彩相授志
態橫出不可勝記意離未絕神心怖覆禮不遑訖辭不及
究願假須臾神女稱遽迴腸傷氣顛倒失據闇然而冥忽
不知處情獨私懷誰者可語惆悵垂涕求之至曙

宋玉登徒子好色賦。

大夫登徒子侍於楚襄王短宋玉曰玉爲人體貌閒麗口
多微辭又性好色願王勿與出入後宮王以登徒子之言
問於宋玉玉曰體貌閒麗所受於天也口多微辭所學於
師也至於好色臣無有也王曰子不好色亦有說乎有說
則止無說則退玉曰天下之佳人莫若楚國楚國之麗者
莫若臣里臣里之美者莫若臣東家之子臣東家之子增
之一分則太長減之一分則太短著粉則太白施朱則太
赤眉如翠羽肌如白雪腰如束素齒如含貝嫣然一笑惑

陽城迷下蔡然此女登牆闥臣三年至今未許也登徒子則不然其妻蓬頭礬耳齧脣歷齒旁行踽僂又疥且痔登徒子悅之使有五子王孰察之誰爲好色者矣是時秦章華大夫在側因進而稱曰今夫宋玉盛稱鄰之女以爲美色愚亂之邪臣自以爲守德謂不如彼矣言王之意以爲人邪臣之守德尚不至如彼所慮也且夫南楚窮巷之妾焉足爲大王言乎若臣之陋目所曾覩者未敢云也王曰試爲寡人說之大夫曰唯唯臣少曾遠游周覽九土足歷五都出咸陽熙熙鄆鄖從容鄭衛漆酒之間是時向春之末迎夏之陽鵠鷗喈喈羣女出桑此郊之姝華色含光體美容冶不待飾裝臣觀其麗者因稱詩曰遵大路兮攢子衿贈以芳華辭甚妙於是處子悅若有望而不來忽若有來而不見意密體疏俯仰異觀含喜微笑竊視流眄復稱詩曰寤春風兮發鮮

榮潔齋俟兮惠音聲贈我如此兮不如無生因遷延而辭
避蓋徒以微辭相感動精神相依憑目欲其顏心顧其義
揚詩守禮終不過差故足稱也於是楚王稱善宋玉遂不
退

宋玉對楚王問

楚襄王問於宋玉曰先生其有遺行與何士民衆庶不譽
之甚也宋玉對曰唯然有之願大王寬其罪使得畢其辭
客有歌於郢中者其始曰下里巴人國中屬而和者數千
人其爲陽阿薤露國中屬而和者數百人其爲陽春白雪
國中屬而和者數十人引商刻羽雜以流徵國中屬而和
者不過數人而已是其曲彌高其和彌寡故鳥有鳳而魚
有鯤鳳皇上擊九千里絕雲霓負蒼天翱翔乎杳冥之上
夫蕃離之鶠豈能與之料天地之高哉鯤魚朝發於崑崙

之墟皋齋於碣石暮宿於孟諸夫尺澤之鯢豈能與之量
江海之大哉故非獨鳥有鳳而魚有鯷也士亦有之夫聖
人瑰意琦行超然獨處世俗之民又安知臣之所爲哉
景差大招。

青春受謝白日昭只春氣奮發萬物遽只冥陵浹行魂無
迷只魂魄歸祿無遠遙只魂乎歸祿無東無西無南無北
只東有大海溺水浟浟只螭龍並流上下悠悠只霧雨淫
淫白皓膠只魂乎無東湯谷寂寥只魂乎無南南有炎火
千里蝮蛇蜒只山林險隘虎豹蜿只鰐鱠短狐王虺騫只
魂乎無南蜮傷躬只魂乎無西西方流沙漭洋洋只豕首
縱目被髮夔只長爪踞牙誒笑狂只魂乎無西多害傷只
魂乎無北北有寒山逴龍施只代水不可涉深不可測只
天白顚顚寒凝凝只魂乎無往盈北極只魂魄歸祿閒以

靜只自恣荆楚安以定只逞志究欲心意安只窮身永樂
年壽延只魂乎歸徠樂不可言只五穀六仞設菰梁只鼎
臚盈望和致芳只內鵠鵠鵠味豹羹只魂乎歸徠恣所嘗
只鮮蠶甘雞和楚酌只醢豚苦狗膾苴尊只吳酸蒿羹不
沾薄只魂乎歸徠恣所擇只炙鴟蒸鳧黏鷄喉只煎鱠臚
雀遼爽存只魂乎歸徠麗以先只四耐并孰不躍噬只清
磬凜歛不散役只萬山云禾役越毛傳云役列也不
歛役只言雖不及歛而皆陳列於前吳
醴白蘋和楚灑只魂乎歸徠不遠惕只代秦鄭衛鳴竽張
只伏戲駕辯楚勞商只謳和揚阿趙簫倡只魂乎歸徠定
空桑只二入接武投詩賦只叩鐘調磬娛人亂只圓上競
氣極聲變只魂乎歸徠聽歌誤只朱唇皓齒嫭以姱只比
德安閒習以都只豐肉微骨調以娛只魂乎歸徠安以舒
只姱目宜笑城眉曼只容則秀雅輝朱顏只魂乎歸徠靜

以安只、姱修滂滂麗以佳只、曾頰倚耳曲眉規只、湧心綽
態姣麗施只、小腰秀頸若鮮卑只、魂乎歸徯思怨移只、易
中利心以動作只、粉白黛黑施芳澤只、長袂拂面善留客
只、魂乎歸徯以娛昔只、青色直眉美目嫋只、膚輔奇牙宜
笑嫣只、豐肉微骨體便娟只、魂乎歸徯恣所便只、夏屋廣
大沙堂秀只、南房小壇觀絕霜只、曲屋步闌宜櫻畜只、騰
駕步游獵春囿只、瓊轂錯衡英華假只、薩蘭桂樹鬱彌路
只、魂乎歸徯恣志慮只、孔雀盈園畜鸞皇只、鵠鴻羣晨雜
鶴鵠只、鴻鵠代游曼鸕鷀只、魂乎歸徯鳳皇翔只、曼澤怡
而血氣盛只、永宜厥身保壽命只、室家盈庭爵祿盛只、魂
乎歸徯居室定只、接徑千里出若雲只、三圭重侯聽頫神
只蓋塙云出若雲言其車騎從官之盛莊子讓王延之察
只以三旌之位司馬彪本作三旌云諸侯三卿執珪

篤天隱孤寡存只、魂乎歸徯正始昆只、田邑千畛人阜昌

只美冒衆流德澤章只先威後文善美明只魂乎歸徠尙賢士只發
罰當只名聲若日照四海只德譽配天萬民理只北至幽
陵南交趾只西薄羊腸東窮海只魂乎歸徠尙賢士只發
政獻行禁苛暴只舉傑壓陞舊塢云俊傑光輔本朝設陞之間如待以鎮壓誅譏
罷只直贏在位近禹麾只舊塢云呂覽求生篇禹治水得
相得益彰陶攝革直成爲輔戰國策禹有五丞此直贏卽五丞之二也
豪傑執政流澤施只魂乎歸徠國家爲只雄雄赫赫天德明只三公穆穆登降
堂只諸侯畢極立九卿只昭質旣設大侯張只執弓挾矢
揖辭讓只魂乎歸徠尙三王只

楚人以弋說楚王○○○

楚人有好以弱弓微繳加歸雁之上者頃襄王聞召而問
之對曰小臣之好射麒麟羅鷺小矢之發也何足爲大王
道也且稱楚之大囚大王之賢所弋非直此也昔者三王

以弋道德五霸以弋戰國故秦魏燕趙者鷹雁也齊魯韓衛者青首也鄒費鄒邳者羅鸞也外其餘則不足弋者見鳥六雙以王何取王何不以聖人爲弓以勇士爲繳時張而射之此六雙可得而囊載也其樂非特朝夕之樂也其獲非特鳬雁之實也王朝張弓而射魏之大梁之南加其右臂而徑屬之於韓則中國之路絕而上蔡之郡壞矣還射圍之東解魏左肘而外擊定陶則魏之東外棄而大宋方與二郡者舉矣且魏斷二臂顛越矣膺擊鄒國大梁可得而有也王請繳蘭臺飲馬西河定魏大梁此一發之樂也若王之於弋誠好而不厭則出寶弓搭新繳射鳴鳥於東海還蓋長城以爲防朝射東莒夕發湧邱夜加卽墨顧據午道則長城之東收而大山之北舉矣西結境於趙而北達於燕三國布班則從不待約而可成也北游目於燕

之遼東而南登望於越之會稽此再發之樂也若夫泗上十二諸侯左榮而右拂之可一旦而盡也今秦破韓以爲長憂得列城而不敢守也伐魏而無功擊趙顧病則秦魏之勇力屈矣楚之故地漢中折廊可得而復有也王出寶弓鏑新繳涉禼塞而待秦之倦也山東河內可得而一也勞民休衆南面稱王矣故曰秦爲大鳥負海內而處東面而立左臂據趙之西南右臂傅楚鄢郢膺擊韓魏垂頭中國處旣形便勢有地利奮翼鼓翼方三千里則秦未可得獨招而夜射也欲以激怒襄王故對以此言襄王因召與語遂言曰夫先王爲秦所欺而客死於外怨莫大焉今以匹夫有怨尚有報萬乘白公子胥是也今楚之地方五千
里帶甲百萬猶足以踊躍中野也而坐受困臣竊爲大王弗取也於是頃襄王遣使於諸侯復爲從欲以伐秦

莊辛說襄王

酈按以弋說襄王及莊辛篇此與漁父
宋玉對楚王東方客難同類並是設喻乃太
史公脩先生劉子政悉載錄

之以爲事實爲失其旨矣

莊辛謂楚襄王曰君王左州侯右夏侯輦從鄢陵君與壽
陵君專淫逸侈靡不顧國政郢都必危矣襄王曰先生老
悖乎將以爲楚國妖祥乎莊辛曰臣誠見其必然者也非
敢以爲國妖祥也君王卒幸四子者不衰楚國必亡矣臣
請避於趙淹留以觀之莊辛去之趙留五月秦果舉鄢郢
巫上蔡陳之地襄王流掠於城陽於是使人發駒徵莊辛
於趙莊辛曰諾莊辛至襄王曰寡人不能用先生之言今
事至於此爲之柰何莊辛對曰臣聞鄙語曰見兔而顧犬
未爲晚也亡羊而補牢未爲遲也臣聞昔湯武以百里昌
桀紂以天下亡今楚國雖小絕長續短猶以數千里豈特
百里哉王獨不見夫蜻蛉乎六足四翼飛翔乎天地之間

俛啄齧草而食之仰承甘露而飲之自以爲無患與人無爭也不知夫五尺童子方將調飴膠絲加己乎四仞之上而下爲螻蟻食也夫蜻蛉其小者也黃雀因是以俯觸白粒仰栖茂樹鼓翅奮翼自以爲無患與人無爭也不知夫公子王孫左挾彈右攝丸將加己乎十仞之上以其類爲招晝游乎茂樹夕調乎酸鹹儻忽之間墜於公子之手夫黃雀其小者也黃鵠因是以游乎江海淹乎大沼俯嚼鮀醴仰噏蓬衡奮其六翮而凌清風飄搖乎高翔自以爲無患與人無爭也不知夫射者方將修其磬盧治其繪繳將加己乎百仞之上被礪磻引微繳折清風而耘矣故晝游乎江湖夕調乎鼎鼐夫黃鵠其小者也蔡靈侯之事因是以南游乎高陵北游乎巫山飲若如渙之流食湘波之魚左抱幼妾右擁嬖女與之馳騁乎高蔡之中而不以國家爲

事不知。夫子發方受命乎靈土。繫己以朱絲而見之也。蔡靈侯之事其小者也。君王之事因是以左州侯右夏侯。輦從鄢陵君與壽陵君。飯封祿之粟而載方府之金。與之馳騁乎雲夢之中而不以天下國家爲事。而不知夫穰侯方受命乎秦王。填弛塞之內而投己乎弛塞之外。襄王聞之顏色變怍。身體戰慄。於是乃以瓠珪而授之爲陽陵君。與淮北之地。

合
何
蕭
氏
家
譜